

JNUNPAZ

JURNAL UNPAZ
Vol. 03, Issue, 12, pp.01-05, Setemru, 2023



ORIGINAL ARTIKLU PESKIZA

HODI ASSESU

PAPEL XEFE DO SUKU HODI HALA'O SENSIBILIZASAUN HAKTUIR LEI NO 9/2016

¹Aldino Trindade, ²Marcal Mascarihas, ³Afonso Soares

¹Lisensiadu Direitu, Universidade da Paz, Timor Leste

²Dosente Fakuldade Direitu, Universidade da Paz, Timor Leste

³Dosente Fakuldade Direitu, Universidade da Paz, Timor Leste

FORMASAUN ARTIKLU	ABSTRATU
<p>d Istória Artiku: Data Submisau 14 Agustu, 2023 Aseitasaun 19 Setembru, 2020 e Outubru de, 2020 Aseitasaun 19 de Novembru de, 2020</p>	<p>PAPEL XEFE DO SUKU HODI HALA'O SENSIBILIZASAUN HAKTUIR LEI NO 9/2016</p> <p>Kopetnsia xefe suku iha nia papél no funsaun ba kompetensia atu dirigi atividades sira iha suco laran, liu-liu atu desenvolve comunidade no konsolida ba partisipasaun comunidade nian iha ambitu unidade nasional. Tuir Artigu (6) pontu (i) Sensibiliza no mobiliza membru sira husi comunidade kona-ba halakon violénsia doméstika iha comunidade tuir lei nu.9/2016. xefe do Suku nomos nia membros Konsellu do Suku maka hanesan, assembleia Aldeia, no xefe Aldeia, atu hetan autorizasaun hodi desempeña iha atividades iha áreas sira ne'ebé mak hanesan paz no harmónia social, resenseamentu no registu populasaun, edukasaun sívika, promosaun ba línguas oficiais, seguransa alimentar, proteksaun ba meio ambiente, edukasaun, kultura no desportu. Violénsia doméstika nu,udar padraun hahalok abuzivu ne'ebe akontese iha relasaun intima ka relasaun familiar seluk ruma,iha neebe ema ida iha kbiit hodi kontrolu ema seluk no halo nia senti tauk, iha familia laran ka violénsia hasoru parseiru intimu. Prevene violénsia doméstika liu husi papel xefe do suco hodi mobiliza nia membru sira iha comunidade nia laran hodi bele halo sensibilizasaun liu husi socializa lei violénsia doméstika ba comunidade sira oinsa bele kuinese klea'n liu konaba violénsia doméstika atu nune'e comunidade bele komprende no hatene katak violénsia doméstika ne ladiak tuir lei no.7/2010 klia kona-ba kombat violénsia doméstika. Formulasau Problema Bazeia ba antesedente ne'ebé maka hakerek mensiona iha leten ne,e maka hekerek identifika problema maka hanesan hanesan tuir mai ne,e: Saida maka nu'udar Papel xefe do suco hodi hala'o sensibilizasaun haktuir Lei no 9/2016 ? hoOinsa prosesu mekanismu xefe do suku hala'o sensibilizasaun hodi prevene Violensia Domestika?. Onjetivu peskiza Peskiza bele hatene klean diak liutan kona-ba papel xefe suku hodi hala'o sensibilizasaun kona-ba lei numeru: 7/2010 Violensia Domestika ne'ebe sempre akontese iha comunidade nia le'e</p>
<p>Liafuan Cave: Karau Ten, Rai Metan Kafé Kulit, Liafuan Cave: Xefe Seku</p>	<p>Metodologia Peskiza. Tipu peskiza uza juridis Normativu, peskiza hare liu ba Papel Xefi Suku iha terenu no kompetensia ne'ebe fo tuir lei nia haruka. Natureza peskiza hareliu ba Papel Xefe Suku, kona-ba tékniku ne'ebé mak peskiza uza hodi halo deskripsaun Kualitativu ba'a analiza dados ne'ebé mak rekoila. Tipu abordajen Juridiku, abordajen Kausa, no abordajen konseitu. Fontes dados Dados primária hanesan dados ne'ebé ita hetan iha peskiza hotu-hotu, ou halo direktamente iha fatin ne'ebé ita halo peskiza ba'a. No dados sekundária katak dados ne'ebé ita hetan husi peskiza, husi referensia livru ne'ebé ita le'e, no mós peskiza husi estudu biblioteka sira no ema ne'ebé hasoru iha peskiza. Tekniku halibur dados, dokumenus, entrevista ho observasaun</p> <p>REZULTADU PESKIZA</p> <p>Papel xefe do suku halo sensibilizasaun bazeia ba (lei no.9/2016 konaba lei suku), haktuir ba lei refere xefe</p>

do Suku iha papél no funsaun ba kompetensia atu dirigi atividades sira iha suco laran, liu-liu atu desenvolve comunidade no konsolida ba partisipasaun comunidade nian iha ambitu unidade nasional. Parte hosi funsaun ka papel suco maka habelar informaun liu hosi sensibiliza lei sira atu hodi halo mos prevensaun ba comunidade no iha konsensia juridical. comunidade lokál sira iha dalan ba konkretizasaun husi projetu sira ho interese kolektivu, iha prezervasaun ba pás no estabilidade sosiál, iha mediasaun husi disputa no konflitu entre ema, família ka aldeia no fó kontribuisaun hodi hadi'a kondisaun moris husi populaun sira no ba progresu sósiu ekonómiku husi país.

Korrespondéncia Autor: Aldino Trindade

Copyright © 2023, Aldino Trindade et al. This is an open access article distributed under the Creative Commons Attribution License, which permits unrestricted use, distribution, and reproduction in any medium, provided the original work is properly cited.

INTRODUSAUN

Kopetnsia xefe suku iha nia papél no funsaun ba kompetensia atu dirigi actividades sira iha suco laran, liu-liu atu desenvolve comunidade no konsolida ba partisipasaun comunidade nian iha ambitu unidade nasional. Tuir Artigu (6) pontu (i) Sensibiliza no mobiliza membru sira husi comunidade kona-ba halakon violénsia doméstika iha comunidade tuir lei nu.9/2016. xefe do Suku nomos nia membros Konsellu do Suku maka hanesan, assembleia Aldeia, no xefe Aldeia, atu hetan autorizasaun hodi desempeña iha actividades iha áreas sira ne'ebé mak hanesan paz no harmónia social, resenseamentu no registu populasau, edukasaun sívika, promosaun ba línguas oficiais, seguransa alimentar, proteksaun ba meio ambiente, edukasaun, kultura no desportu.

Violénsia doméstika nu,udar padraun hahalok abuzivu ne'ebe akontese iha relasaun íntima ka relasaun familiar seluk ruma,iha neebe ema ida iha kbiit hodi kontrolu ema seluk no halo nia senti tauk, iha familia laran ka violénsia hasoru parseiru íntimu. Prevene violénsia doméstika liu husi papel xefe do suco hodi mobiliza nia membru sira iha comunidade nia laran hodi bele halo sensibilizasaun liu husi sosializa lei violénsia doméstika ba comunidade sira oinsa bele kuinese klea'n liu konaba violénsia doméstika atu nune'e comunidade bele komprende no hatene katak violénsia doméstika ne ladiak tuir lei no.7/2010 klia kona-ba kombat violénsia doméstika. Formulasau Problema Bazeia ba antesedente ne'ebé maka hakerek mensiona iha leten ne,e maka hekerek identifika problema maka hanesan hanesan tuir mai ne,e: Saida maka nu'udar Papel xefe do suco hodi hala'o sensibilizasaun haktuir Lei no 9/2016 ? hoOinsa prosesu mekanismu xefe do suku hala'o sensibilizasaun hodi prevene Violensia Domestika?. Onjetivu peskiza Peskiza bele hatene klean diak liutan kona-ba papel xefe suku hodi hala'o sensibilizasaun kona-ba lei numeru: 7/2010 Violensia Domestika ne`ebe sempere akontese iha comunidade nia le`e

Metodologia Peskiza. Tipu peskiza uza juridis Normativu, peskiza hare liu ba Papel Xefi Suku iha terenu no kompetensia ne`ebe fo tuir lei nia haruka. Natureza peskiza hareliu ba Papel Xefe Suku, kona-ba tékniku ne'ebé mak peskiza uza hodi halo deskripsaun Kualitativu ba'a analiza dadus ne'ebé mak rekoila. Tipu abordajen Juridiku, abordajen Kausa, no abordajen konseitu. Fontes dadus Dadus primária hanesan dadus ne'ebé ita hetan iha peskiza hotu-hotu, ou halo direktamente iha fatin ne'ebé ita halo peskiza ba'a. No dadus sekundária katak dadus ne'ebé ita hetan husi peskiza, husi referensia livru ne'ebé ita le'e, no mós peskiza husi estudu biblioteka sira no ema ne'ebé hasoru iha peskiza. Tekniku halibur dadus, dokumenus, entrevista ho observasaun.

Rezultadu Peskiza

PAPEL XEFE DO SUKU HODI HALA'O SENSIBILIZASAUN HAKTUIR LEI NO 9/2016

1.1 Papel Xefe Do Suku Halo Sensibilizasaun Tuir Lei No.9/2016

Papel xefe do suku halo sensibilizasaun bazeia ba (lei no.9/2016 konaba lei suku), haktuir ba lei refere xefe do Suku iha papél no funsaun ba kompetensia atu dirigi actividades sira iha suco laran, liu-liu atu desenvolve comunidade no konsolida ba partisipasaun comunidade nian iha ambitu unidade nasional. Parte hosi funsaun ka papel suco maka habelar informasaun liu hosi sensibiliza lei sira atu hodi halo mos prevensaun ba comunidade no iha konsensia juridica.

Produsaun bens no serbisu ne'ebé mak destinadu ba satisfasaun no nessesidades básicas husi vida nomos dezvoltamentu iha Suku nian. xefe do Suku nomos nia membros Konsellu do Suku maka hanesan, assembleia Aldeia, no xefe Aldeia, atu hetan autorizasaun hodi desempeña iha actividades iha áreas sira ne'ebé mak hanesan paz no harmónia social, resenseamentu no registu populasau, edukasaun sívika, promosaun ba línguas oficiais, seguransa alimentar, proteksaun ba meio ambiente, edukasaun, kultura no desportu.

- a.) Promove rezolusaun ba konfliktu sira ne'ebé mosu entre membru sira husi comunidade ka aldeia, tuir kostume no uzu sira comunidade nian no respeito ba prinsípiu igualdade;
- b.) Promove no defende knua sira hanesan elementu fundamentál kona-ba identidade kulturál husi Povu Timorens;
- c.) Prezerva ezistensia uma-lulik ka uma-lisan comunidade nian;
- d.) Kolabora no participa iha organizasaun ba loron festa nian, serimónia, rituál no atividade sira seluk kona-ba afirmasaun husi tradisaun, kostume no uzu sira ne'ebé sai identidade ba comunidade, lahó prejuizu ba ezijsia sira husi dezvoltamentu sosiál no ekonómiku husi comunidade;
- e.) Promove realizasaun husi atividade transmisaun ínter-jersaun ba uzu, kostume no tradisaun comunidade lokál nian;
- f.) Fahe informasaun kona-ba lei, regulamentu, debate no desizaun sira ne'ebé mai husi órgaun Estadu nian, no mós regra sira kona-ba direitu konsetudináriu (kostumeiru), ne'ebé iha interese ba comunidade;
- g.) Promove adosaun ba estilu moris sira ne'e saudável liu entre membru sira husi comunidade no hala'o sensibilizasaun ba neseseidade atu halo prevensaun ba moras hanesan kólera, meningite2 , diareia, malária, SIDA, tuberkuloze no dengue;
- h.) Sensibiliza no mobiliza membru sira husi comunidade kona-ba importánsia saúde maternoinfantil no partisipasaun iha kampaña vasinasaun nian;
- i.) Sensibiliza no mobiliza membru sira husi comunidade kona-ba halakon violénsia doméstika iha comunidade;

- j.) Sensibiliza membru sira husi comunidade kona-ba importánsia husi eskola ba labarik no halo mobilizasaun hodi kombate abandonu eskola;
- k.) Hato'o ba Administrasaun Munisipál kona-ba ezisténsia husi labarik iha risku iha comunidade nia laran, no mós kona-ba ema iha situasaun eskluzaun sosiál ka vulnerabilidade;
- l.) Habelar no estimula partisipasaun hosi membru comunidade sira iha programa solidariedade no protesauun sosiál ne'ebé Estadu no Munisípiu sira hala'o;
- m.) Fó informasaun ba servisu rejistu sivíl, asaun sosiál no resenseamentu eleitorál kona-ba ema mate iha Aldeia sira iha Suku
- n.) Halo resenseamentu ba membru sira husi comunidade, liu-liu hala'o liu husi "fixa família" no hato'o informasaun ba servisu Administrasaun Lokál kona-ba rezultadu ne'ebé hetan;
- o.) Halo sertifikadu katak membru comunidade sira iha rezidénsia baibain iha Aldeia sira husi Suku;
- p.) Halo deklarasaun kona-ba aptidaun pesoál husi membru sira husi comunidade;
- q.) Sensibiliza no mobiliza membru sira husi comunidade kona-ba atu tuir prátika di'ak kona-ba ijiene no te'in hahán;
- r.) Sensibiliza no mobiliza membru sira husi comunidade atu tuir regra sira kona-ba seguransa alimentár;
- s.) Mobiliza membru sira husi comunidade atu partisipa iha atividade edukasaun sívika, edukasaun eleitorál no iha asaun eleitorál no referendáriu sira;
- t.) Mobiliza membru sira husi comunidade ba prátika desportu no ba partisipasaun iha torneiu desportivu;
- u.) Sensibiliza no mobiliza membru sira husi comunidade hodi sira tuir sira nia obrigasaun tributária;
- v.) Sensibiliza no mobiliza membru sira husi comunidade ba manutensaun ijiene, salubridade, konservasaun no kualidade husi espasu públiku sira;
- w.) Hala'o resenseamentu agríkola no pekuáriu, ho koordenaun ho servisu Administrasaun Lokál;
- x.) Sensibiliza no mobiliza membru sira husi comunidade ba importánsia atu proteje meiuambiente;
- y.) Apoia atividade Konsellu Polisiamentu Komunitáriu husi PNLT;
- z.) Fó apoiu ba atividade sira husi servisu kadastrál; aa) Promove instituisaun husi kooperativa komunitária sira;

1.2 Funsauun Konsellu do suku halo sensibilizasaun ba lei no.7/2010

Suku sira iha funsauun determinante iha prezervasaun husi ita nia identidade kulturál no iha mobilizasaun husi ita nia comunidade lokál sira atu hala'o esforsu kolektivu ba rekonstrusaun nasional. Liu husi funsauun importante sira ne'ebé refere ona, Suku sira iha funsauun determinante mós kona-ba iha mobilizasaun husi ita nia comunidade lokál sira iha dalan ba konkretizasaun husi projetu sira ho interese kolektivu, iha prezervasaun ba pás no estabilidade sosiál, iha mediasaun husi disputa no konfliktu entre ema, família ka aldeia no fó kontribuisaun hodi hadi'a kondisaun moris husi populasauun sira no ba progresu sósiu ekonómiku husi país. Importánsia sentrál husi suku sira iha ita-nia moris nasional tenke hetan rekoñesimentu, liu-liu husi desenvolvimentu husi kuadru legál ida ne'ebé fó dalan ba organizaun komunitária sira hodi bele tuir espetativa sira husi ita nia comunidade no, nune'e, bele kontribui ba valorizasaun husi funsauun autoridade ne'ebé tradisionálmente fó ba sira. Tamba Estadu prepara hela atu estabelese Podér Lokál, ho meius materiál, umanu no finanseiru, no lejitimasaun demokrátika ne'ebé prezisa atu prosede ba definisaun husi papél husi suku sira, liu husi klarifikasaun husi kuadru legál husi responsabilidade no kapasidade administrativa ne'ebé adekua no reforsu husi ninia lejitimidade no autoridade, liu husi alterasaun ba prosedimentu dezignasaun husi membru sira husi órgaun komunitáriu sira no introdusaun ba garantia transparente ba iha atividade ne'ebé desenvolve ba bein komún ba comunidade sira Konsellu suku kompostu husi:

- a. Xefe Suku
- b. Xefe Aldeia sira husi Suku;
- c. Delegada (feto) ida husi aldeia ida-idak husi Suku;
- d. Delegadu (mane) ida husi aldeia ida-idak husi Suku;
- e. Representante juventude feto ida husi Suku;
- f. Representante juventude mane ida husi Suku;
- g. Lian-na'in ida.

Liu husi konsellu suku ne,ebe maka iha atu servisu hamutuk hodi halo senlibilizasaun sobre lei no.7/2010 ne,ebe koalia konaba kombate violencia domestika, ba iha comunidade sira atu nune,e comunidade sira bele hatene kle'an sobre lei refere katak violencia domestika lamerese para atu aplika iha uma kain ida nia laran no entre fen ho laen no laen ho fen no oan karik iha comunidade sira mak komete krime violencia domestika maka sei hetan pena prizaun ou kastigu. No konsellu suku mos iha sira nia funsauun laos hala'o sosializasaun deit ba iha lei violencia domestika maibe sira mos iha funsauun hala'o sosializasaun ba atividade hotu ne'ebe maka fo impaktu positivu no paz iha suku laran liu-liu iha parte desportu no atividade seluk.

Representante konsellu suku Sr. Xefe do suku marcelino soares: ami husi parte konsellu suku hotu sempre haha'o ami nia funsauun halo kontrolu bazeia ba lei no.9/2016 haruka no ami consege halo duni sensibilizasaun no sosializasaun ba lei no atividade sira iha suku laran, liu-liu halo sosializasaun ba lei no.7/2010 violencia domestika atu nune'e comunidade sira iha suku fatuhada bele komprende no entende kle'an ba lei violencia domestika, I nomos durante ne husi hau xefe do suku consege organiza duni hau nia membru sira liu-liu xefe aldeia sira no representa joventude no delegadu/a sira ami hala'o duni ami nia funsauun no knaar durante ne'e ami halo duni sensibilizasaun ba lei violencia domestika iha suku fatuhada liuhusi sosializa lei refere ba comunidade sira iha suku fatuhada.

Liu husi esplikasaun representante konsellu suku sr.xefe do suku marcelino soares esplikasaun sobre sira funsauun, hakerek nain atu aumenta tan deit katak liuhusi hakerek nain nia peskiza refere konaba funsauun konsellu do suku liu-liu suku fatuhada mesmo hakerek nain nia tempo ba peskiza semana ida deit maibe consege identifika funsauun no knaar konsellu suku fatuhada nia servisu los duni mesmu konsellu suku fatuhada sira nia kunesimentu no interpretasaun ba lei violencia domestika menus maibe sira consege hala'o duni sensibilizasaun liu husi dalan sosializa lei refere mesmu sira nia interpretasaun no kunesimentu ba lei

violensia domestika menus maibe sira nafatin hala' o tuir sira nia funsaun no servisu tuir lei no.9/2016 haruka ne' ebe klia konaba funsaun konsellu suku nia iha artigu,11 no 12.

PROSESU MEKANISMU XEFE DO SUKU HALA'O SENSIBILIZASAUN HODI PREVENE VIOLENSIA DOMESTIKA

1. Mekanismu xefe do suku halo prevensaun ba lei no. 7/2010

Mekanismu ne, ebe xefe do suku uza hodi prevene violensia domestika iha komunidade nia leet maka mobiliza nia membru husi konsellu suku sira hodi servisu hamu, tuk hodi halo sensibilizasaun ba lei hotu-hotu liu-liu lei violensia domestika atu nune' e komunidade sira bele komprende lala' ok lei refere nune' e bele moris iha vida familiar ida ne' ebe ho pas no estabilidade iha uma kain ida nia laran tantu iha sosiedade nia leet, no konsellu suku sira mos preciza halo sensibiliza lei violensia domestika kada semana no kada fulan iha suku no aldeia I nomos kada bairo hodi nune' e sosiedade sira bele entende no komprende kle' an lei violensia domestika katak hahalok ne' ebe mai ho asaun fisiku ka asaun saida deit kuandu hasoru familia uma laran liu-liu asaun hanesan laen baku fen no labarik iha familia ida nia laran maka kontra lei violensia domestika no asaun refere sei konsidera hanesan krime no sei kondena ho lei no.7/2010 kombat violensia domestika no sei hetan sansaun ou kastigu ho pena prizaun.

Oinsa atu minimiza hahalok sira ne' e iha sosiedade nia leet maka xefe do suku ho konsellu suku sira nafatin servisu hamutuk hodi halo sensibilizasaun no sosializa lei sira hotu iha suku no aldeia ka bairo atu nune' e bele prevene konfliktus entre joven sira no konfliktus iha uma laran, konsellu suku sira mos preciza kria asaun positivu ruma iha sosiedade nia leet atu nune' e bele kapasita mentalidade joven no katuas ferik sira hanoin hodi kontribui ba moris harmonia pas no estabilidade iha sosiedade nia leet. Ex: asaun desportu no asaun sosializa lei sira hodi nune' e bele fo impaktu positivu ba komunidade iha rai laran no suku aldeia sira hotu, no bele minimiza ona konfliktus iha sosiedade sira nia leet no bele hamenus mos asaun violensia domestika ne' ebe sempre akontese iha suku no aldeia sira hotu.

Tuir Xefe do suku sr.marcelino soares los duni durante ne ami husi parte lideransa komunitario husi suku fatuhada konsege utiliza duni mekanismu ida kada semana-semama ami halo sosializasaun ba lei violensia domestika no.7/2010. no uluk iha tinan 2022 iha fulan maio dia 23 mais menus oras 17: 30 OTL. iha akontesimentu ida iha ami nia suku fatuhada aldeia 03 laen halo asaun fisiku hasoru nia fen maibe Kazu refere konsege hetan atuasau husi parte PNTL OPS sira, I agra dadauk kazu ne lao hela iha prosesu nia laran. Iha momentu tinan hirak ba kotuk kazu violensia domestika sempre akontese iha nia percentagem registu kazu 10 sanulu sae ba leten ne' ebe iha ami nia suku fatuhada, maibe ami husi parte konsellu suku hala' o knaar servisu halo sosializa ba lei no.7/2010, iha tinan 2023 fulan janeiru dia 10 ami komesa halo sosializasaun ba lei violensia domestika ne' ebe tama sai aldeia I hau rasik mak organiza sosializasaun refere no ajuda husi parte seguransa OPS ami konsege halo duni esplikaun ba lei refere no komunidade barak mak konsege komprende ona lala' ok lei violensia domestika, I ate agra kazu violensia domestika menus duni iha ami nia suku fatuhada lahanesan ho tinan hirak kotuk liu ba suku fatuhada sempre registu kazu violensia domestika percentagem 10 sae ba leten no agora liuhusi mekanismu halo sosializasaun ba lei refere konsege minimiza duni kazu violensia domestika no percentagem mos tun ou menus dalan ruma fulan ida ou fulan 2 foin registu kazu 1 ou 2.

Liuhusi deklarasaun ne' ebe sr.xefe do suku esplika hakerek nain konklui katak los duni mekanismu ne' ebe xefe do suku sira utiliza liuhusi dalan halo sosializa ba lei violensia domestika no.7/2010 tama sai aldeia ka bairo konsege fo duni rezultadu positivu ba suku fatuhada no bele minimiza no konsege hamenus kazu violensia domestika ne' ebe sempre akontese no fo rezultadu positivu tebes ba suku fatuhada no komunidade sira.

2. Asaun Preventiva

Prevensaun ka preventivu/a mak abordajen, prosedimentu, no meius hodi halo ema nia kompetensia interpersonal hanesan individu, pár, oan na' in, ou bele hamutuk iha grupu, komunidade, ou instituisaun sai di' ak. Definisau seluk kona ba prevensaun/preventivu/a esforsu mak esforsa ida ne' ebe ema halo hodi prevene buat ruma ne' ebe la di' ak atu akontese. Etimolojikamente, preventivu/a mai husi Latinu pravenire ne' ebe nia signifkadu mak hahu antes atu anticipa/prevene buat ruma hodi akontese. Iha sensu luan, prevensaun tuir definisau deliberadu mak fó esforsa hodi evita netik, estraga, ka perda ba alguén. Tanba ne' e esforsu preventivu/a mak aksaun ne' ebe halo molok buat ne' e akontese. Ne' e hala' o tanba alguén bele laos di' ak ka bele estraga. Husi perspetiva legal, prevensaun mak prosesu, meius, ka mekanismu hodi prevene ka impede buat ruma atu akontese. Bele hatán katak esforsu maibe antes ita atu prevene violasaun mekanismu prevensaun krime mak esforsu dahuluk atu rezolve krime.

Sr.xefe do suku marcelino soares: hateten katak asaun preventivu ne' ebe konsellu suku fatuhada utiliza hodi prevene krime violensia domestika iha suku fatuhada maka halo sosializasaun lei violensia domestika no.7/2010 uluk ba komunidade sira iha suku fatuhada.

Mesmo kada semana-semama ami halo sosializasaun hela dt ba lei violensia domestika maibe iha komunidade barak mak entende no konsege prevene sira nia hahalok no asaun abusivu hasoru sira nia familia sira, no iha komunidade barak mos seidauk entende didiak lei violensia domestika ne' ebe parte konsellu suku esplika ba sira ikus mai sira nafatin pratika hahalok abusivu sira ne maibe konsellu suku husi fatuhada nafatin halo sosializasaun ba lei violensia domestika fila-fila iha suku fatuhada no aldeia sira konsege komunidade barak mak entende ona no krime violensia domestika konsege menus iha suku fatuhada.

Laos konsellu suku deit mak halo esplikaun maibe ajuda mos husi parte seguransa hodi servisu hamutuk ho konsellu suku fatuhada hodi halo esplikaun ba sosiedade sira hodi tama sai bairo hodi fo apoio ba dezenvolvimentu nasional no moris iha sosiedade ida ne' ebe hakmatek pas estabilidade iha familia ida nia laran no harmonia iha suku fatuhada rasik.

Liu hosi esplikaun badak hosi xefe do suku fatuhada hakerek nain atu aumenta deit katak modelu prevensaun ida ne' ebe xefe do suku ho nia membru konsellu suku sira utiliza hodi prevene asaun violensia domestika iha suku fatuhada liuhosi maneira hala' o sosializasaun ba lei violensia domestika hodi tama sai aldeia ka bairo iha suku fatuhada ne rasik fo duni implikasaun positivu ba sosiedade sira iha suku fatuhada no sosiedade barak mak konsege entende konaba lei violensia domestika no.7/2010.

No hakerek nain halo mos etervista iha loron sesta dia 29-07-2023 oras tuku 12:00 ba komunidad balu ho naran francisco soares: hateten katak durante ne'e iha suku fatuhada konsellu suku sira iha durante ne'e halo duni sira nia servisu no konsege halo sosializasaun ba lei violensia domestika mai ami komunidad suku,ami orgullu tebes tanba konsellu suku sira halo esplikaun no sosializasaun ba suku fatuhada ajuda tebes ami komunidad suku fatuhada no halo ami komprende konaba lei violensia domestika, ida ne'e diak tebes bele fo apoio ba pas estabilidade iha sosiedade nia leet no liu-liu ba familia sira.

FINALIDADE KONKLUZAUN NO REKOMENDASAUN

1. Konkluzaun

Liu husi hakerek nain nia teze monografia konaba **papel xefe do suku ba halo sensibilizasaun konaba violensia domestika iha suku fatuhada**. Hakerek nain konklui katak los duni durante ne iha suku fatuhada xefe do suku no konsellu suku sira ba halo duni sensibilizasaun tuir lei no.9/2016. ba iha lei violensia domestika ba iha komunidad sira suku fatuhada no konsege minimiza aktus violensia domestika iha suku fatuhada, no xefe do suku ho konsellu suku sira mos laos halo sensibilizasaun ba deit iha violensia domestika maibe xefe do suku sira mos halo sensibilizasaun ba iha lei sira seluk. No xefe do suku ho konsellu suku sira hamutuk ho parte seguransa no assistensia saude sira halo mos promosaun ba komunidad sira oinsa atu quidada sira nia saude iha vida familiar, I xefe do suku no konsellu suku hamosu mos atividade oin-oin hanesan atividade desportu no liuhuosi desportu bele minimiza konfrontu entre joven sira bele hamosu fali paz no estabilidade iha suku laran.

2. Rekomendasaun

Iha pagina ida ne hakerek nain rekomena ba governu no lideransa komunitario relasiona ho papel xefe do suku ba halo sensibilizasaun konaba violensia domestika.

Ami espera ba oin ba konsellu suku sira halo nafatin sira nia servisu tuir lei no.9/2016 tenki ho efisiensia no efikasias ba halo sensibilizasaun konaba lei sira ne'ebe komunidad barak seidauk komprende lei, konsellu suku tenki kada fulan ou semana halo nafatin sosializaun ba lei no.7/2010 konaba violensia domestika atu nune'e komunidad sira bele komprende no entende konaba lalaok lei atu nune'e bele minimiza konfliktu entre joven no familia uma laran.

Hakerek nain mos halo rekomendasaun ba parte kompotente liu-liu governu preciza halo treinamentu ou fo formasaun konaba lei sira ba lideransa lokal sira atu nune'e bele aumenta tan kapasidade lideransa lokal nia hodi bele nune'e bainhira halo sosializasaun ba lei iha komunidad sira nia leet lideransa lokal sira mos bele halo esplikaun ba lei atu nune'e komunidad sira bele komprende kle'an hodi minimiza konfliktu iha sosiedade nia leet.

BIBLIOGRAFIA

1. Literatura

Hendra , *Nurtjahjo, ilmu Negara , (Jakarta : PT Grafindo Persada, 2005)*

Budyanto , *Kewarga Negaran Untuk Sma kelas X , Jakaata : Erlanga ,2004*

Sagipto , *Rahardjo, pertubunhan konstitusimoderen semarasng.*

Bagir Manan, *kekuasaan kehakiman, Republik Indonesia, Pusat penertbitan Universidade LPPM Unisba, Bandung 1995.*

A. Kosasih Djahiri, *Ilmu politik Pormaco, Bandung, 1971,*

Sri Soemantri, *Penerapan kedaulatan Rakyat dalam kehidupan bernegara berdasarkan Pancasila dan UUD 1945" 1966.*

Mochtar Kusumaatmadja dan Etty R. Agoes, *Pengantar Hukum Internasional, (Bandung: Alumni, 2003 M. Iman Santoso, Perspektif Imigrasi Dalam United Nation Convention Against*

Transnational Organized Crime, Cet. 1, (Jakarta: Perum Percetakan Negara RI, 2007 Lei violensia domestika no.7/2010. Daniel Goleman, Emotional Intelligence Why it Can Matter More Than IQ, Bantam Books, New York, 1996

Daniel Goleman, *Emotional Intelligence Why it Can Matter More Than IQ,*

Wolfgang Friedmann, *Legal Theory, Fourth Edition, (London: Stevens & Sons Liminted, 1960), Lei suku no.9/2016*

Agoes Dariyo , *“Peran Self Awareness dan Ego support Terhadap Kepuasan Hidup Remaja Tionghoa,” Fakultas Psikologi Universitas Tarumanegara Jakarta 2016*

Ateng Syafrudin, *Governu no Governasaun, PT Citra aditiya Bakti, 1^o Edição 1996. H. D. Stoud, jurnal Constituição, Vol IV. Nu.1, Junhu 2011.*

Miriam Budiardjo, *Dasar-Dasar Ilmu Politik, Gramedia Pustaka Utama, Jakarta, 1998, Suwoto Mulyosudarmo, Kekuasaan dan Tanggung Jawab Presiden Republik Indonesia, Suatu Penelitian Segi-Segi Teoritik dan Yuridis Pertanggungjawaban Kekuasaan, Universitas Airlangga, Jakarta, 1990, hlm. 30. 23A. Gunawan Setiardja F. A. Mrotin no J. G. Steenbeek, sita ecological Modeling 360, 2017*

Philipus Mandiri Hadjon,2006, *Direitu Administção Estadu, P.T.Grafindo.Jakarta F. M Strotin no Jereon Steenbeek, sita ecological Modeling 360, 2017, Padmo Wahyono, Penbanganun Hukum di Indonesia, Ind Hill, Jakarta, 1998, Jimly Asshiddique : konstitusi & konstitusionalisme Indonesia, sinar Grafika, Jakarta,2009; Konstitusi RDTL, konstitusi Indonesia*

Saiful Bahri, *“Dasar-Dasar Penyusunan Peraturan Perundang-undangan”, Hukum Administrasi Negara, Dr. Ridwan HR, Edisi Revisi,*

I. Reglamentus

1. Konstituisaun RDTL

2. Lei No.9/2016

3. lei no.7/2010

II. Internet

[http://www.legalitas.org/ database/artikel/htn/dasar2.pdf](http://www.legalitas.org/database/artikel/htn/dasar2.pdf). diakses 28 Februari 2020.

<https://www.seputarpengetahuan.co.id/2018/01/pengertian-hukum-administrasi-negara-sumber-asas-ruang-lingkup.html>